

## Informacioni list – Visa Gold Credit kartica

### Za šta se koristi i ko može postati korisnik Visa Gold Credit kartice?

Visa Gold Credit kartica se može koristiti za plaćanje roba i usluga u BiH i inostranstvu, internet plaćanje, podizanje gotovine na bankomatima i POS cash terminalima u BiH i inostranstvu, pri čemu se kreditni limit automatski smanjuje za iznos iskorištenih sredstava, dok se uplatom na račun automatski povećava ali ne preko iznosa odobrenog kreditnog limita. Kartica se može koristiti za beskontaktno plaćanje na POS uređajima koji omogućavaju ovaj oblik plaćanja kao i beskontaktno podizanje gotovine na bankomatima koji nude mogućnost ovakvog načina podizanja gotovine. Na POS uređajima u BiH za transakcije beskontaktnog plaćanja do 60,00 KM ne zahtijeva se unos PIN-a. Krajnji korisnik Visa Gold Credit kartice (u nastavku: krajnji korisnik) može postati svako fizičko lice koje ispunjava uslove Banke za izdavanje kreditne kartice (odgovarajuća kreditna sposobnost, neophodna dokumentacija i instrumenti obezbjeđenja).

### Koje su osnovne karakteristike Visa Gold Credit kartice?

Visa Gold Credit kartica je revolving kartica koja krajnjem korisniku omogućava odloženo plaćanje kupljenih roba i usluga kao i podignute gotovine, uključujući pripadajuće kamate i naknade, pri čemu krajnji korisnik plaća minimalni iznos mjesečne obaveze, koji se sastoji od 3% iskorištenog kredita uvećanog za obračunate i pripisane kamate i naknade, s tim da iskorišteni kredit predstavlja zbir neotplaćenih dijelova kredita iz prethodnih obračunskih perioda i novih zaduženja karticom.

### Koja dokumentacija je neophodna za dobijanje Visa Gold Credit kartice?

Osnovna dokumentacija koju krajnji korisnik dostavlja je:

- Ispunjen Zahtjev (pristupnica) za kreditnu karticu (obrazac Banke);
- Identifikacioni dokument koji sadrži fotografiju i jedinstveni matični broj\*
- Potvrda o mjestu prebivališta/boravka ne starija od 180 dana.

Krajnji korisnik će dodatno popuniti i potpisati potvrdu o uručanju kartice i PIN-a.

Pored navedene dokumentacije, u postupku obrade zahtjeva, Banka zadržava pravo da traži i drugu dokumentaciju.

\*Originali navedenih dokumenata se uzimaju na uvid i skeniraju nakon čega se vraćaju klijentu

### Koji su mogući instrumenti obezbjeđenja Visa Gold Credit kartice?

U cilju urednog izmirenja svojih obaveza, kao instrumenti obezbjeđenja se mogu koristiti:

- Mjenica sa mjeničnom izjavom;
- Administrativna zabrana (potpisana i ovjerena bez unesenog iznosa administrativne zabrane);
- Saglasnost o zapljeni novčanih sredstava (potpisana i ovjerena dva primjerka u slučaju nepostojanja Administrativne zabrane);
- Ugovor o zalogu novčanog depozita (samo za kreditne kartice koje su osigurane zalogom novčanog depozita);

Pored navedene dokumentacije, u postupku obrade zahtjeva za izdavanje kreditne kartice Banka zadržava pravo da zatraži i dodatne instrumente obezbjeđenja.

### Koliki limit se može odobriti na Visa Gold Credit kartici?

Ukupno odobreni limit potrošnje za kreditne kartice može iznositi 2,5 puta prosječnog iznosa 3 posljednja redovna mjesečna priliva krajnjeg korisnika, a maksimalno KM 10.000,00 KM.

Traženi iznos limita na kreditnoj kartici \_\_\_\_\_ KM.

### Po kojim kamatnim stopama se radi obračun redovne i zatezne kamate?

Redovna kamata za Visa Gold Credit kartice je fiksna i iznosi 13,9% godišnje, a obračunava se mjesečno na iznos neotplaćenog dijela kredita primjenom linearnog metoda. Efektivna kamatna stopa (EKS) jednaka je nominalnoj kamatnoj stopi.

Na nepodmirena potraživanja u predviđenom roku Banka obračunava zateznu kamatu u visini zakonske zatezne kamate koja iznosi 10% godišnje, a obračunava se mjesečno primjenom linearnog metoda.

### Šta je obračunski period i koji je redoslijed prilikom izmirenja obaveza?

Obračunski period je period od 25-og u prethodnom mjesecu do 24-og u tekućem mjesecu, za koji Banka pravi presjek po računu i obračunava obaveze, naknade i kamatu i izrađuje izvod o stanju računa. Cjelokupan ili minimalno zahtijevani iznos mjesečne obaveze će biti naznačeni na izvodu i isti se izmiruju do 20-og u narednom mjesecu i to na način da se obezbijede sredstva na tekućem računu u visini obaveze ili da se pristigle obaveze izmire uplatom na kartični račun.

Obaveze se izmiruju sljedećim redoslijedom: naknade, kamata i glavnica kredita.

### Da li postoje ograničenja koja se odnose na dnevne limite korištenja Visa Gold Credit kartice?

Kako bi se onemogućile zloupotrebe kartica, Banka je postavila dnevne limite u pogledu broja transakcija i iznosa gotovinskih transakcija.

- Dnevno se može izvršiti maksimalno 15 transakcija.
- Dnevni limit za bezgotovinske uključujući i internet transakcije zavisi od iznosa raspoloživih sredstava na kartici.
- Dnevni limit za podizanje novca na bankomatu iznosi 2.000,00 KM.
- Dnevni limit za podizanje novca na POS terminalima u poslovnica banaka zavisi od iznosa raspoloživih sredstava na kartici.

### Koji je rok važenja Visa Gold Credit kartice?

Rok važenja Visa Gold Credit kartice je 4 (četiri) godine od dana izdavanja, sa mogućnošću reizdavanja, u skladu sa uslovima koji će se definisati Ugovorom, koji krajnji korisnik potpisuje sa Bankom na neodređeno vrijeme. Nakon isteka roka od 4 godine, Banka će automatski reizdati karticu ako krajnji korisnik, u toku korištenja kartice, redovno i bez kašnjenja izvršava sve svoje ugovorne obaveze, te ukoliko mu se potvrdi kreditna sposobnost, u skladu sa poslovnim politikom Banke. Automatsko reizdavanje kartice vrši se u skladu sa Opštim uslovima koji su važili prilikom prvog izdavanja kartice, bez zaključivanja posebnog aneksa Ugovora, sve dok krajnji korisnik ili Banka ne otkazu karticu i Ugovor.

### Da li je moguće odustati od korištenja Visa Gold Credit kartice nakon zaključivanja Ugovora sa Bankom?

Ugovor o korištenju Visa Gold Credit kartice se sklapa na neodređeno vrijeme, s tim da:

- Krajnji korisnik može odustati od zaključenog Ugovora o izdavanju kartice u roku od 14 dana od dana zaključenja Ugovora bez navođenja razloga za odustanak. O svojoj namjeri za odustanak krajnji korisnik mora pismeno obavijestiti Banku prije isteka roka od 14 dana. U slučaju odustanka krajnji korisnik je dužan odmah, a najkasnije u roku od 30 dana od dana slanja obavještenja, uplatiti sve troškove učinjene karticom do trenutka odustanka / otkaza kartice.
- Svaka ugovorna strana može otkazati Ugovor sa otkaznim rokom od jednog mjeseca. Poslije isteka otkaznog roka krajnji korisnik je dužan vratiti Banci sve kartice izdate na osnovu Ugovora. U slučaju otkazivanja Ugovora, a u skladu sa odredbama istog, krajnji korisnik je dužan izmiriti sve troškove koji bi dospjeli poslije isteka važnosti Ugovora uključujući i kamate koje će biti obračunate na iskorištena sredstva za period od početka obračunskog perioda u kojem je izmiren dug do dana izmirenja duga.

#### Koje su osnovne naknade koje se obračunavaju za Visa Gold Credit kartice?

|                                                                                                                 |                                           |             |
|-----------------------------------------------------------------------------------------------------------------|-------------------------------------------|-------------|
| Godišnja članarina - osnovna kartica                                                                            | 50,00 KM                                  | promjenjiva |
| Godišnja članarina - dodatna kartica                                                                            | 20,00 KM                                  | promjenjiva |
| Isplata gotovine - bankomati Banke                                                                              | 2,5% od iznosa transakcije, min. 15,00 KM | promjenjiva |
| Isplata gotovine - poslovnice i bankomati drugih banaka u BiH i inostranstvu i POS terminali na šalterima pošte | 3% od iznosa transakcije, min. 15,00 KM   | promjenjiva |
| Konverzijska naknada                                                                                            | 1% od iznosa transakcije                  | promjenjiva |
| Plaćanje roba i usluga u POS mreži                                                                              | 0,00 KM                                   | promjenjiva |
| Redovno obnavljanje kartice (reizdavanje)                                                                       | 0,00 KM                                   | promjenjiva |
| Vanredno izdavanje kartice na zahtjev korisnika                                                                 | 30,00 KM                                  | promjenjiva |
| Regeneriranje/novi PIN                                                                                          | 20,00 KM                                  | promjenjiva |
| Povećanje kreditnog limita                                                                                      | 10,00 KM                                  | promjenjiva |
| SMS notifikacija                                                                                                | 0,00 KM                                   | promjenjiva |
| Izdavanje potvrde o stanju duga na zahtjev klijenta                                                             | 0,00 KM                                   |             |
| Deblokada privremeno blokirane kartice                                                                          | 5,00 KM                                   | promjenjiva |
| Hitna izrada i dostava kartice u roku od 72 sata radnim danima                                                  | 50,00 KM                                  | promjenjiva |

Dodatni troškovi vezani za izdavanje kartice mogu biti: trošak pribavljanja mjenice, trošak ovjere saglasnosti o zapljeni novčanih sredstava u slučaju nepostojanja administrativne zabrane (stvarni troškovi ovlaštenika za ovjeru istih - notar, općina), Ugovor o zalogu novčanog depozita (stvarni troškovi Registra zaloga Ministarstva pravde BiH).

#### Definisanje promjenjivosti naknada

Naknade za fizička lica se iskazuju kao promjenjive i fiksne.

Visina naknada utvrđuje se prema ekonomskim elementima, kao što su: utrošak materijala, troškovi vanjskih usluga i kadrovskih resursa Banke neophodnih za izvršenje Ugovora, odnosno troškovi koje Banka ima u pružanju pojedinih usluga.

Analizu troškova odnosno parametara koji utiču na visinu naknada Banka vrši kvartalno, tako da se promjenjive naknade, u slučaju povećanja/smanjenja troškova, odnosno ekonomske opravdanosti poslovanja, mogu mijenjati kvartalno odnosno po potrebi.

O promjeni visine naknada Banka će klijenta obavijestiti u zavisnosti od vrste naknade koja se mijenja: putem e-mail adrese klijenta ili putem SMS poruke ili putem drugog kanala komunikacije (Viber, WatssUp i sl.) ili putem izvoda sa računa ili putem usluge e-bankinga ili m-bankinga ili putem drugog načina obavještanja koji se u vrijeme dostave obavijesti o izmjeni smatra ili može smatrati uobičajenim ili prihvatljivim, a u svakom slučaju putem web stranice Banke i u svim poslovnim prostorijama Banke, i to najkasnije 15 dana prije početka primjene izmijenjenih naknada.

#### Šta je 3D Secure Standard za online kupovinu?

„3-D Secure“ Standard je razvijen sa ciljem smanjenja rizika od neovlaštenog korištenja kartica od strane trećih lica prilikom online kupovine. Verified by VISA i MasterCard® SecureCode™ su dodatni sigurnosni elementi koji omogućavaju veću sigurnost za online kupovinu sa VISA, MasterCard i Maestro karticama. Detaljno uputstvo se nalazi na web stranici Banke u dijelu Sigurno korištenje platnih kartica.

#### Kako Banka vrši obračun minimalnog iznosa za uplatu za Visa Gold Credit kartice?

Pretpostavimo da je u obračunskom periodu od 25.03. do 24.04. izvršeno plaćanje robe u iznosu od 100,00 KM, obračunata godišnja članarina i da je odobreni limit 2.000,00 KM.

|    |                                                 |          |
|----|-------------------------------------------------|----------|
| 1. | Odobreni limit                                  | 2.000,00 |
| 2. | Transakcija u obračunskom periodu 25.03.-24.04. | 100,00   |
| 3. | Godišnja članarina                              | 50,00    |
| 4. | Redovna kamata                                  | 1,18     |
| 5. | Zatezna kamata                                  | 0,00     |
| 6. | Minimalni iznos za uplatu 20.05. (3%*2)+3+4+5   | 54,18    |
| 7. | Raspoloživo stanje 1-(2-3+4+5+6+7)              | 1.848,82 |

#### Kako spriječiti zloupotrebu Visa Gold Credit kartice?

- Prilikom preuzimanja kartice istu odmah potpišite na predviđenom mjestu na poleđini, a staru karticu vratite Banci;
- PIN treba zapamtiti;
- Vaš PIN, CVV2 i lozinku za pristup davaocu Internet usluge nemojte otkrivati nikome, čak ni službenicima Banke, a posebno ne putem Interneta, telefonom ili poštom;
- Pazite gdje čuvate i ostavljate Vašu karticu i PIN;
- Prije unosa PIN-a ili prije potpisivanja potvrde o kupovini, provjerite tačnost iznosa transakcije;
- Ne dopustite da se kartica prilikom plaćanja na prodajnim mjestima ukloni izvan Vašeg vidokruga;
- Prilikom unosa PIN-a na bankomatu ili POS terminalu obavezno rukom zaštitite tipkovnicu, kako bi onemogućili otkrivanje PIN-a;
- Po izvršenoj transakciji ne zaboravite uzeti novac, Vašu karticu, kao i potvrdu o izvršenoj transakciji;
- Ukoliko sumnjate da neko zna Vaš PIN, hitno o tome obavijestite Banku i zatražite da Vam izda novi PIN;
- Ne odgovarajte ni na kakve e-mail poruke od VISA-e ili MasterCard-a i ne popunjavajte obrasce sa detaljnim podacima o kartici, broju računa ili stanja na računu;
- Ukoliko Vam bankomat ne vrati karticu, zadržavanje kartice prijavite Banci;
- Ukoliko vidite nešto neobično na bankomatu, nemojte obaviti transakciju, te o istom obavijestite Banku.
- Ukoliko plaćanja vršite putem interneta, važno je da Vaš računar ima instaliran najnoviji antivirusni software;

- Savjet krajnjim korisnicima kreditnih i business kartica je da aktiviraju uslugu SMS notifikacije koja omogućava krajnjem korisniku kartice da dobije SMS poruku o transakciji neposredno nakon provođenja iste

**Kako se informisati o svim izmjenama uslova korištenja Visa Gold Credit kartice?**

Uslovi iz Informacionog lista važe do njihove izmjene, koja se objavljuje najkasnije 15 dana prije njihove primjene. O svim izmjenama poslovne politike kao i Informacionog lista Banka obavještava sve svoje Klijente putem internet stranice Banke [www.nlb.ba](http://www.nlb.ba) i u poslovnim prostorijama Banke.

**Koliki je rok važenja ponude date u predugovaračkoj fazi?**

Ponuda koja je data u pregovaračkoj fazi, obavezuje Banku u periodu od 15 dana od dana uručenja iste.

☐

Klijent ne zahtijeva nacrt Ugovora

☐

Klijent zahtijeva nacrt Ugovora i potvrđuje da mu je isti uručen

---

Datum

---

Potpis zaposlenika Banke

---

Ime i prezime krajnjeg korisnika kartice